

13-02-2023

13-02-2023

Sarajevo,

Broj: 58-11-3-6344

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), član 24. stav 2. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine), a na prijedlog Komisije za javnu nabavku Izvještaj br. 58-33-4-6244-1 od 10.02.2023. godine, Generalna direktorica donosi:

ODLUKU

o poništenju postupka javne nabavke
za nabavku magnetne rezonanse 3T sa pratećom opremom za potrebe Klinike za radiologiju

I

Prihvata se prijedlog Komisije za nabavku magnetne rezonanse 3T sa pratećom opremom za potrebe Klinike za radiologiju, po Izvještaju br. 58-33-4-6244-1 od 10.02.2023. godine, a nakon provedenog otvorenog postupka sa međunarodnom objavom na portalu e-nabavke dana 02.08.2022. godine pod brojem obavještenja 893-1-1-499-3-400/22, sa ispravkom obavještenja i postupak se poništava u skladu sa Zakonom o javnim nabavkama član 69. tačka 2) d), jer nijedna od dostavljenih ponuda nije prihvatljiva.

II

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom Generalne direktorice KCUS-a broj: 58-04-4-30339 07.07.2022. godine, pokrenut je otvoreni postupak sa međunarodnom objavom za nabavku magnetne rezonanse 3T sa pratećom opremom za potrebe Klinike za radiologiju. Procijenjena vrijednost nabavke je 4.000.000,00 KM bez PDV-a. Nabavka je planirana privremenim Planom javnih nabavki za 2022. god. pod kategorijom „investicije - robe“ redni br. 14 (Odluka o usvajanju privremenog Plana javnih nabavki Kliničkog centra Univerziteta u Sarajevu za 2022 godinu, broj: 81/22 br. protokola 65-04-2-1874/22). Uslovi plaćanja predviđeni za postupak nabavke su plaćanje u roku 30 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-53317 od 15.11.2021.godine). Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti- transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a.

Klinički centar Univerziteta u Sarajevu je na portalu E-nabavke dana 02.08.2022. godine objavio Obavještenje o nabavci broj: 893-1-1-499-3-400/22, zajedno sa Tenderskom dokumentacijom, te ispravku obavještenja o nabavci br. 893-1-1-499-8-559/22 od 26.10.2022.godine; zajedno sa izmjenama Tenderske dokumentacije.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 20 (dvadeset) potencijalnih ponuđača, a tendersku dokumentaciju i ispravku tenderske dokumentacije od 26.10.2022. godine preuzelo je 8 (osam) potencijalnih ponuđača: Berg d.o.o. ; Medicom d.o.o.; Diamedic d.o.o. ; EKAPIJA d.o.o.; Krajinagroup d.o.o.; BBS Europe d.o.o. i Medical d.o.o.

Do vremena naznačenog u Ispravci za Obavještenje o nabavci broj 893-1-1-499-8-559/22 od 26.10.2022. godine 11:30 sati dana 15.11.2022. godine, na Protokol Kliničkog centra Univerziteta u Sarajevu dostavljene su 3 (tri) ponude, a što je evidentirano Zapisnikom o zaprimanju ponuda broj 58-33-4-49584 od 15.11.2022.godine.

1. BERG d.o.o. Sarajevo – (broj protokola 10-11-3-49492 od 14.11.2022. u 15 h i 20 min)

[Handwritten signature]

2. MEDICOM d.o.o. Bijeljina (broj protokola 10-11-3-49499 od 15.11.2022. u 08 h i 12 min)
3. SIEMENS MEDICINA d.o.o. Sarajevo (broj protokola 10-11-3-49541 od 15.11.2022. u 09 h i 54 min)

Komisija imenovana Odlukom broj: 58-04-4-40125 od 14.09.2022. godine i Izmjenom i dopunom Odluke broj: 58-04-4-49146 od 11.11.2022. godine je izvršila detaljnu analizu dostavljenih ponuda, te sačinila Zapisnik o pregledu i ocjeni ponuda br. 58-33-4-6244 od 10.02.2023. godine kojim je konstatovala da:

Ponuda ponuđača **MEDICOM d.o.o. Bijeljina** nije formalno pravno i suštinski ispravna jer nije dostavljena u skladu sa sljedećim tenderskim zahtjevima:

- Ponuđač nije ponudio sve tražene stavke, a što nije u skladu sa tenderskom dokumentacijom jer „Obrazac za cijenu Aneks 2.“ sadrži samo stavku 1. MRI 3T sa pratećom opremom, a u Aneks-u 2 u **napomeni pod brojem 6. Stoji** „Ako ponuđač ne ponudi cijenu za sve stavke ponuda se odbija“
- Ponuđač nema „Popunjene sve Aneksa na originalnim obrascima iz tenderske dokumentacije“ (nije popunio Aneks 3;)
- **Ponuđač nije dostavio „Potvrdu o upisu medicinskog sredstva u registar medicinskih sredstava BiH** izdato od Agencije za lijekove i medicinska sredstva BiH ili Izjava ponuđača da će ukoliko njegova ponuda bude odabrana kao najpovoljnija, u roku od 4 mjeseca (rok važnosti bankarske garancije za uredno izvršenje ugovora) od dana zaključivanja/obostranog potpisivanja ugovora, dostaviti „Potvrdu o upisu medicinskog sredstva u registar medicinskih sredstava BiH (za stavku 2 Aneks-a 2)
- **Ponuđač nije dostavio „Validnu dokumentaciju“** kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH.
- **Ponuđač nije dostavio „Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje rashladnog sistema, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju/suradnji)“.**
- **Ponuđač nije dostavio „Garanciju za ozbiljnost ponude u trajanju od 180 dana“**
- **Ponuđač nije dostavio „Kataloški (prospektni) materijal sa obilježenim (označenim) traženim, tehničkim karakteristikama niti Izjavu/e proizvođača da traženi tehnički zahtjev/i (za svaki pojedinačno) ispunjava/ju traženu karakteristiku/e.**

Iz gore navedenih razloga ponuda ponuđača **MEDICOM d.o.o. Bijeljina je ocijenjena kao neprihvatljiva ne učestvuje u daljem toku postupka javne nabavke.**

Ponude ponuđača Diamedic d.o.o. i Berg d.o.o. su ispunile formalno pravne i suštinske zahtjeve, pa je Komisija pristupila analizi tehničkih specifikacija ponuđenih uređaja.

Uvidom u popunjen Aneks 3. i Kataloški (prospektni) materijal sa obilježenim (označenim) traženim, tehničkim karakteristikama Komisija je konstatovala :

1. **Ponuđač BERG d.o.o. Sarajevo** je dostavio ponudu za MRI 3T sa pratećom opremom i to: -MRT-3020 (Vantage Galan 3T, proizvođača Canon), -MRI automatska šprica sa dva klipa: MRXP200 (MEDRAD® MRXperion) i -Eksterni (primarni) rashladni uređaj za vanjsku ugradnju kapaciteta i karakteristika koje zahtjeva osnovna oprema: EWAT064CZP-A2 (DAIKIN)

Detaljnom analizom dostavljene ponude ponuđača **BERG d.o.o. Sarajevo** komisija je konstatovala da ista nije prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacije i to u tačkama:

- **11.8. Tehničke specifikacije traženo:**

T1 u fazi i takođe u suprotnoj fazi (gornji dio adbomena).

Ponuđač je u tabeli napisao DA i naveo stranicu brošure br.35 (strana ponude 61). Uvidom u prethodno navedeno, komisija je konstatovala da je ponuđač ponudio paket opcija isključivo za srce – „Cardiac Imaging“, što nije u skladu za zahtjevima iz tenderske dokumentacije.

- **12.1. Tehničke specifikacije traženo:**

Aplikativno rješenje sljedećih minimalnih karakteristika:

- spremanje i obrada (procesiranje) radioloških slika se vrše isključivo na namjenskom serveru, definisanom u stavci 12.3
- omogućeno korištenje aplikativnog rješenja na starijim operativnim sistemima, kao i sistemima sa 32-bitnom arhitekturom
- zasnovano na tehnologiji terminalnih servisa ili drugoj adekvatnoj tehnologiji, sa instalacijom programskog agenta / servisa (engl. thin client) na personalnim računarima, kako bi se obezbijedilo najmanje sljedeće:
 - rad sa udaljenih klijentskih personalnih računara (engl. Remote Office i Home Office) za potrebe konsultacija i dežura
 - minimalno opterećenje personalnih računara koji će se koristiti u sistemu

Ponuđač je u tabeli napisao DA i naveo stranicu priložene kataloške dokumentacije br.6 (strana ponude 100). Uvidom u priloženu katalošku dokumentaciju na navedenoj stranici za traženu karakteristiku, ponuđača nije dostavio dokaze da je na ponuđenom uređaju omogućeno korištenje aplikativnog rješenja na starijim operativnim sistemima, kao i sistemima sa 32-bitnom arhitekturom.

- **12.4. Tehničke specifikacije traženo:**

Način licenciranja za preglednike (Viewer)

- Broj licenci za pregledavanje (View) ne smije biti ograničen
- Licence za pregledavanje (View) obuhvataju minimalno personalne računare i mobilne uređaje
- Licenca za pregledavanje omogućuje pregled svih vrsta modaliteta, bez opcija za naprednu obradu slika
- Licenca za pregledavanje podržava najmanje sljedeće modalitete: CT, MR, CR, DR, DX, PET, MG i XA.

Ponuđač je u tabeli napisao DA i naveo stranicu brošure br. 3 (strana ponude 110). U istom je navedeno da je ponuđeno rješenje ograničeno tj. za 3 do 6 konkurentnih korisnika, što nije u skladu sa zahtjevima TD. Također, u istom je navedena je podrška za samo određene modalitete (MRI, CT, DR), dok za ostale modalitete zahtjevano tenderskom dokumentacijom nije dokazana podrška.

Iz gore navedenih razloga ponuda ponuđača BERG d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.

2. **Ponuđač DIAMEDIC d.o.o. Sarajevo** dostavio je ponudu za MRI 3T sa pratećom opremom: MAGNETOM VIDA (proizvođača Siemens Healthcare), MRI automatska šprica sa dva klipa: MRXP200 (MEDRAD® MRXperion) i Eksterni (primarni) rashladni uređaj za vanjsku ugradnju kapaciteta i karakteristika koje zahtjeva osnovna oprema: NRCS-Z HT 0252T (MEHITS – RC GROUP)

Detaljnou analizom dostavljene ponude ponuđača DIAMEDIC d.o.o. Sarajevo komisija je konstatovala da ista nije prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacija i to u tačkama:

- **5.1. Tehničke specifikacije traženo:**

Namjenska zavojnica za snimanje glave, za skeniranje mozga u visokoj rezoluciji, sa brojem elemenata zavojnice od min. 32 kanala (1 kom) sa mogućnošću anguliranja.

Ponuđač je tabelu popunio sa DA i naveo Head 32, strana TD 253. Detaljnim uvidom, komisija je ustanovila da ponuđena zavojnica nema mogućnost angulacije, što nije u skladu sa zahtjevima iz tenderske dokumentacije.

- **12.4. Tehničke specifikacije traženo:**

Način licenciranja za preglednike (Viewer)

- Broj licenci za pregledavanje (View) ne smije biti ograničen

- Licence za pregledavanje (View) obuhvataju minimalno personalne računare i mobilne uređaje
- Licenca za pregledavanje omogućuje pregled svih vrsta modaliteta, bez opcija za naprednu obradu slika
- Licenca za pregledavanje podržava najmanje sljedeće modalitete: CT, MR, CR, DR, DX, PET, MG i XA.

Ponudlač je u tabeli napisao DA i naveo stranicu katalogskog materijala br. 59 i 60 (strana ponude 407 i 408). U istom je navedno da je ponuđeno rješenje ima ograničenje u smislu konkurentnih „MobileViewer“ korisnika (ograničeno na 3 odnosno 19 korisnika) što nije u skladu sa zahtjevima TD.

Iz gore navedenih razloga, ponuda ponudlača DIAMEDIC d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.

Na osnovu svega navedenog Komisija je konstatovala da ni jedna od dostavljenih ponuda ne ispunjava kvalifikacione uslove definisane Tenderskom dokumentacijom za predmetni postupak nabavke, te Izvještajem br. 58-33-4-6244-1 od 10.02.2023. godine Komisija predlaže da se postupak za nabavku magnetne rezonanse 3T sa pratećom opremom za potrebe Klinike za radiologiju poništi u skladu sa član 69. tačka 2) d) ZJN (Sl.glasnik BiH br.39/14), jer nijedna od primljenih ponuda nije prihvatljiva

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponudlačima;
- Tehnički sektor
- a/a KCUS